



UiTM@Media **2016**

Jaringan Industri

UITM@Media
2016

Jaringan sosial tingkat kemahiran insaniah



AZIZAH HANOM

PENGUKUHAN jaringan antarabangsa membuka lebih banyak peluang dan ruang buat pelajar dan pihak universiti untuk berkongsi ilmu pengetahuan yang boleh diaplikasikan dalam sistem pendidikan negara.

Pada masa sama, ia boleh menjadi medium untuk mempromosikan Malaysia sebagai salah satu lokasi ideal untuk pelancongan dan pendidikan.

Menurut Timbalan Dekan Fakulti Sains Gunaan Universiti Teknologi Malaysia (UiTM), Prof. Dr. Azizah Hanom Ahmad, jalinan antarabangsa juga adalah salah satu medium yang dapat meningkatkan kemahiran insaniah

dalam kalangan pelajar dan meluaskan lagi jaringan sosial mereka.

“Usaha pihak universiti dalam membuka ruang buat pelajar antarabangsa untuk lebih mengenali sistem pendidikan negara adalah satu tindakan wajar dan amat membantu dalam memberi pendedahan kepada mahasiswa menyesuaikan diri dalam kelompok sosial yang lebih besar.

“Pada masa sama, mereka dapat merasai pengalaman berkomunikasi dengan pelajar asing serta membina ukhwah

BERSAMBUNG
DI SEBELAH

persahabatan di samping berkongsi ilmu, maklumat dan idea pembelajaran,” katanya ketika dihubungi *Kosmo!* baru-baru ini.

Tambah beliau, dengan pelaksanaan program seperti kem musim panas, ia secara tidak langsung dapat memuatkan pelbagai aktiviti menarik, sekali gus memberi peluang kepada pelajar untuk melakukan aktiviti secara praktikal dan santai.

Dengan perkembangan industri pendidikan negara yang semakin pesat, hubungan baik antara universiti tempatan dan antarabangsa perlu dipupuk

supaya senario pembelajaran negara dapat membangun ke arah yang positif.

Ia juga dapat meningkatkan lagi potensi negara dalam memberikan khidmat pendidikan terbaik dan mempromosi Malaysia dalam sektor pelancongan pendidikan.

“Di UiTM, kami merupakan fakulti pelopor yang memulakan program seumpama ini dan ia telah memberikan impak yang positif kepada para peserta khususnya pelajar UiTM.

“Sistem pendidikan di setiap negara sangat berbeza dan kita perlu kaji bagi melengkapi setiap kelebihan dan kekurangan antara satu sama lain,” ujarnya.

- **Penasihat**

Profesor Emeritus Dato' Dr Hassan Said
Naib Canselor

- **Ketua Projek**

Alfina Bakar

- **Pengurus Produksi**

Darus Kasim
Rosly Mahmud

- **Penyelaras Bahan Akhbar**

Firdaus Abd Hanan
Hanisah Yacob
Datin Umminaljah Salleh

- **Pembantu**

Penyelaras Bahan Akhbar

Hazizi Jantan
Nor Azlina Nordin
Samsinah Selamat
Raja Nazrul Raja Hisham

- **Pereka Grafik Utama**

Junaidy Talib

- **Pereka Grafik**

Rosdi Abdul Hamid
Mohd Nor Firdaus Mohd Isa

- **Sumber Keratan Akhbar**

Utusan Malaysia, Mingguan Malaysia, Berita Harian, Berita Minggu,
New Straits Times, The Star, Sunday Star, The Sun, Star Metro,
Kosmo, Harian Metro, Sinar Harian.

